

II - ARABAKO LURRALDE HISTORIKOAREN TOKI ADMINISTRAZIOA

ZIGOITIKO UDALA

Kontzejuei diru-laguntzak emateko oinarriak arautzen dituen berariazko ordenantzaren aldaketa behin betiko onartzea

Udalbatzak, 2017ko abenduaren 20ko bilkuran, Zigoitiko udalerriko kontzejuei diru-laguntzak emateko oinarriak arautzen dituen berariazko Ordenantzaren aldaketari hasierako onarpena ematea erabaki zuen. Erabaki hori jendaurrean egon den bitartean ez zen ordenantzaren aurkako alegaziorik aurkeztu. Hori dela-eta, erabaki hori behin betiko bihurtu da, halaxe xedatzen baitu Toki Araubidearen Oinarriak arautzen dituen apirilaren 2ko 7/1985 Legeak 49 c) artikuluan.

Aipatutako 7/1985 Legearen 70.2 artikulua ezartzen duenari jarraituz, oso-osorik ematen da argitara onartutako ordenantza, eta argitaratzen denetik sartuko da indarrean.

Erabaki honen kontra administrazioarekiko auzi-errekurtsoa jarri ahalko da Gasteizko Administrazioarekiko Auzien Epaitegiko Administrazioarekiko Auzietako Atalaren aurrean. Horretarako 2 hilabeteko epea egongo da iragarki hau argitaratzen den egunaren biharamunetik zenbatzen hasita, Administrazioarekiko Auzien Jurisdikzioari buruzko uztailaren 13ko 29/1998 Legeko 46. artikulua araberara.

Hori guztia, egokituz jotzen den beste edozein errekurtso aurkeztu ahal izateari kalterik egin gabe.

BERARIAZKO ORDENANTZA, KONTZEJUEI DIRU-LAGUNTZAK EMATEKO OINARRIAK ARAUTZEN DITUENA

1. artikulua. Diru-laguntzen xedea

Berariazko ordenantza honen bitartez Zigoitiko Udalak ematen dituen diru-laguntzen oinarriak finkatzen dira, eta diru-laguntza horiek udalerriko kontzejuek oinarritzko zerbitzu publikoak garatzeko eta hiritarren bizi-kalitatea hobetzeko sustatzen dituzten lanak finantzatzea dute helburu:

a) Ondorengo zerbitzu publikoak helburu dituzten lanak:

1. Obra berria, birgaitzea edo konponketa-lanak, Kontzeju-etxea eta herriko bizilagunei zerbitzu publikoa emateko erabiltzen diren beste eraikin batzuetan.

2. Obra berria, birgaitzea edo konponketa-lanak, kirol-ekipamenduetan.

3. Obra berria, birgaitzea edo konponketa-lanak, haurrentzako jolas-eremuak jartzeko lekuetan.

4. Obra berria, birgaitzea edo konponketa-lanak, eremu berdeetarako eta herriko lorategiak jartzeko lekuetan.

5. Obra berria, birgaitzea edo konponketa-lanak, herri-lurzoruan diren kale publikoen zoladuraetan, batzarren jabetzatik herri-guneetarako sarbideetan eta hilerrietarako sarbideetan.

6. Obra berria, birgaitzea edo konponketa lanak, argiteria-zerbitzuen lur-azpiko kanalizazioetan, ur edangarria etxeetan hornitzeko euri-uren eta ur zikinen saneamendua egiteko sarean, argindar eta telefonia-sareetan eta beren instalazioetan.

7. Obra berria, birgaitzea edo konponketa lanak, bidaiarien garraio publikorako zerbitzuak behar dituen markesina eta antzerakoetan.

8. Hilerria zaharberritzea edo eta eraikitzea.

9. Kontzejuen jabetzakoak diren elementu bereziak zaharberritzeko eta konpontzeko lanak, adibidez: ermitak, iturriak, errotak, garbitegiak... Baita parrokia-elizak zaharberritzeko lanak ere, beti ere administrazio batzarraren jabetzakoak badira, edo eraikinaren jabeak jabetza administrazio-batzarrari utzi baldin badio. Lagapenak 10 urteko iraupena izan beharko du, eskaerak aurkezteko epea bukatzen den egunetik kontatuta.

10. Bide publikoetako seinaleak jartzeko lanak.

b) Nekazaritzarako erabiltzen diren bideak berritu eta konpontzea.

2. artikulua. Erakunde onuradunak

Diru-laguntzen onuradun izango dira Zigoitiko Udalerrian legez eraturak eta erregistraturak dauden kontzejuak.

Erakunde eskatzaileak bere zorrak eta Gizarte Segurantzarekiko betebeharrak eguneratuta izan beharko ditu. Baldintza hori eskaera aurkeztzen den unean bete beharko da, eta hala iraun beharko du prozesu osoan (kontzesioa eta ordainketa).

3. artikulua. Deialdiaren publizitatea

Deialdiaren laburpen bat argitaratuko da ALHAOn, Diru-laguntzen Datu-base Nazionalaren bidez.

Eskaerak aurkezteko epea, iragarkia ALHAOn argitaratzen den unetik hasiko da kontatzen.

4. artikulua. Baloratzeko baldintzak eta irizpideak

1. Honako hauek dira diru-laguntzaren xede diren jarduera eta lan bakoitzarentzako baldintza bereziak:

a) Ordenantza honetako 1. artikuluko a) atalean jasota dauden zerbitzu publikoetarako lanak:

– Obra bakoitzeko gehienezko diru-laguntza 75.000 eurokoa izango da.

– Obra bat fase bat baino gehiagotan exekututzen bada, fase ezberdinetan emango den diru-laguntza ezin izango du 75.000 euroko kopurua gainditu.

– Diru-laguntza lanen kostu errealararen ehuneko 50ekoa izango da gehienez, beti ere, ez bada 75.000 euroko kopurua gainditzen.

– Ez dira diruz lagungarri izango azken 15 urteetan Zigoitiko Udalak diruz lagundu dituen obrak, zerbitzu publikoetan egin direnak. Epe hau diruz lagundua izan den obraren azken fasetik aurrera hasiko da kontatzen.

b) Nekazaritza-erabilerarako bideak berritzea eta konpontzea.

– Obra bakoitzeko gehienezko diru-laguntza 20.000 eurokoa izango da.

– Diru-laguntza gehienez obraren benetako kostuaren ehuneko 40ekoa izan daiteke, beti ere, ez bada 20.000 euroko kopurua gainditzen.

2. Diru-laguntza eskaeraren helburu diren lanek nahitaezkoa izango dute udal lizentzia edo, hala badagokio, alde aurreko jakinarazpena edo erantzukizunpeko aitortza aurkeztua izatea.

5. artikulua. Zenbatekoa

Diru-laguntzaren zenbatekoak ezin du inolaz ere gainditu urte bakoitzean Zigoitiko Udalaren aurrekontuaren 900.734.000 partidari esleitutako kopurua.

6. artikulua. Diru-laguntzak emateko prozedura

Diru-laguntzak norgehiagokako erregimenaren bidez emango dira. Beti hasiko da ofizioz, Alkatetzak onartutako deialdi publikoaren bidez.

Eskaerak aurkeztea

1. Eskaerak aurkezteko gehieneko epea, eta aurkeztu beharreko dokumentazioa, urteroko deialdian zehaztuko dira.

Udalaren sarrera-erregistroan aurkeztuko dira eskaerak, edo urriaren 1eko 39/2015 Legearen 16. Artikuluan, Administrazio Prozedura Komunari eta Administrazio Publikoari buruzkoan, jasotako edozein bidetatik ere bai.

2. Diru-laguntza hauetara dokumentazioa aurkezteak oinarri hauetan ezarritakoa berariaz eta modu formalean onartzea dakar.

3. Aurkeztu beharreko dokumentazioa:

– Eskabide ofiziala, behar bezala beteta eta sinatuta.

– Diruz lagungarri den jardueraren justifikazio-memoria. Bertan jasoko dira, gutxienez, egin beharreko lanen deskribapen laburra, obren kokaleku fisikoa eta egin beharreko lanen zerrenda.

– Lanen aurrekontua.

Instrukzioaren eta ebazpenaren eskuduntza duen organoa:

1. Espedientearen instrukzioaren eskuduntza duen organoa Alkatetza da.

2. Ebazpenaren eskuduntza duen organoa Osoko Bilkura da. Honek, alde aurretik, Kontuetarako, Osoko Bilkurako Gaiak Prestatzeko eta Gobernu-kudeaketaren Informaziorako Batzorde Bereziairen aldeko irizpena jaso beharko du.

Azterketa eta ebazpena

1. Instrukzio-jardueretan honako hauek sartuko dira:

– Erabakiak hartzeko beharrezkotzat jotzen diren txostenak eskatzea, horien artean, esparru bakoitzeko teknikariena, eta Idazkaritza-Kontuhartzaitzarena.

– Egindako eskaera guztiak ebaluatzea, diru-laguntza arautzen duen arauak edo, bere kasuan, deialdiak finkatutako balorazio irizpide, era eta lehentasunen arabera.

Eskaerak ebaluatu ondoren, Kontuetarako, Osoko Bilkurako Gaiak Prestatzeko eta Gobernu-kudeaketaren Informaziorako Batzorde Berezira eramango da espedientea, eta honek eskaerei buruzko txostena egingo du.

Espedientea eta organo kolegiatuaren txostena ikusirik, instrukzioaren arduraren organoak behin betiko ebazpen-proposamena egingo du, eta bertan jaso beharko ditu diru-laguntza jasotzeko proposatzen duen eskatzaileen zerrenda, laguntzaren zenbatekoa, eta ebaluaziorako erabili dituen irizpideak.

2. Osoko bilkurak diru-laguntzen kontzesioa ebatziko du.

Osoko Bilkuraren akordioak arrazoitua izan beharko du, eta, gutxienez, diru-laguntza ematen zaien erakunde eskatzailearen izena edo eskatzaileen zerrenda, eta atzera botatakoen zerrenda jaso beharko ditu.

Ebazteko epea 3 hilabetekoa izango da, eskaerak aurkezteko epea bukatzen denetik hasita, eta epe horren barruan ebazpenik edo jakinarazpenik ez badago, eskaerak atzera botatzen direla ulertuko da.

Ebazpenak bukaera emango dio administrazio-bideari, eta bere aurka administrazioarekiko auzietarako errekurtsoa jarri ahal izango da, Administrazioarekiko Auzietarako epaitegietan, Administrazioarekiko Auzietarako Jurisdikzioa arautzen duen uztailaren 13ko 29/1998 Legearen 8.1 artikuluan aurreikusitakoaren arabera, jakinarazten denetik 2 hilabeteko epean.

Era berean, aldez aurretik, berraztertze errekurtsoa jarri ahal izango da Osoko Bilkuraren aurrean, hilabeteko epean, Administrazio Publikoen Prozedura Administratibo Komunaren urriaren 1eko 39/2015 Legearen 123 eta 124 artikuluetan xedatutakoaren arabera.

Zuriketaren ondoren, aurrekontu-aplikazioan, kreditu-soberakinik egonez gero, Osoko Bilkurak adostu ahal izango du, deialdi berri bat egin beharrik gabe, jada emanda dauden diru-laguntzen zenbatekoaren gehikuntza hainbanatua, beti ere oinarri hauetan ezarritako gehienezko muga gainditu gabe.

7. artikulua. Justifikazio-modua eta epea

Diru-laguntza jasotzeko, honako dokumentazio hau aurkeztu behar da Udalean:

– Onuradunak sinatutako instantzia, Alkateari zuzendua, diru-laguntzaren ordainketa eskatzeko. Instantzia horretan transferentzia zein kontu-zenbakian egin behar duten adierazi behar dute.

– Gastua egiaztatze fakturen originalak edo fotokopia konpultsatuak.

– Faktura horiek ordaindu dituztela egiaztatzen duten agiriak.

– Beste entitate edo organismo batzuek emandako diru-laguntzak egiaztatze agiriak.

Justifikaziorako dokumentazioa abenduaren 15a baino lehen aurkeztu behar da.

Diru-laguntza ematen duen organoak, justifikazioa aurkezteko epea luzatzea erabaki dezake. Luzapena ez da 3 hilabete baino gehiagokoa izango, eta, beti ere, ezingo ditu hirugarren baten eskubideak urratu.

Zuritutako gastuak hasieran aurkeztutako aurrekontua eta eskatutako kopurua baino txikiagoak badira, ordaindu beharreko diru-laguntzari dagokion kopurua kenduko zaio.

8. artikulua. Konturako abonua

Kontzejuak urteko kontuak aurkeztu eta diruz lagundutako lan bati dagokion faktura bat ordaintzea ezinezkoa zaiola erakutsiko balu, udalak fakturaren zenbatekoa ordainduko du kontzejuaren kontuan. Ordainketa hori diru-laguntzaren konturako abonua izango da.

Kontzejuak hartzekodunari ordaindu diola ziurtatu beharko du ordainagiria aurkeztuz, udalaren transferentzia jaso eta 10 eguneko epean. Edozein kasutan, ordainagiriak aurkezteko epea 7. artikuluan, diruz lagundutako gastua zuzitzeko zein dokumentazio aurkeztu behar den zehazten duenean, adieraziko da.

Udalak konturako abonu gisa ordaintzen duen kopurua inoiz ere ez da izango egokitutako diru-laguntzaren kopurua baino handiagoa.

9. artikulua. Ebazpena aldatzea

Zigoitiko Udalaren aurrekontuko 900.734.000 aplikazioan nahikoa kreditu badago, Korporazioaren Osoko Bilkurak emandako diru-laguntzaren zenbatekoa aldatzea adostu dezake, aldez aurretik Kontuetarako, Osoko Bilkurako Gaiak Prestatzeko eta Gobernu-kudeaketaren Informaziorako Batzorde Bereziaren txostena jaso ondoren. Beti ere, diru-laguntza eskaeran aurkeztutako kostua baino handiagoa justifikatzen bada, diruz lagundutako obran.

Aldaketarako eskaera guztiak arrazoituak izan behar dira, eta aurrekontuetan duten eragina zehaztu behar dute.

10. artikulua. Diru-laguntzen bateragarritasuna

Laguntza hauek beste diru-laguntza edo laguntza motarekin bateratu daitezke.

Diru-laguntzaren zenbatekoak ezin du inolaz ere gainditu (diru-laguntza hori bakarrik zein beste diru-laguntza, laguntza, sarrera edo baliabide batzuekin batera) egingo den jardueraren kostuaren ehuneko 100.

Onuradunak diru-laguntza ematen duen organoari jakinarazi behar dio helburu berarako beste diru-laguntza, laguntza publiko, sarrera edo baliabideak eskuratu dituela.

11. artikulua. Interpretazioa

Oinarri hauen interpretazioarekin sortu daitekeen edozein zalantza, Alkatetzak ebatziko du, aldez aurretik Kontuetarako, Osoko Bilkurako Gaiak Prestatzeko eta Gobernu-kudeaketaren Informaziorako Batzorde Bereziaren eta gaiaren ardura duten teknikarien txostenak aztertu ondoren.

12. artikulua. Legeria gehigarria

Oinarri hauetan aurreikusi gabeko kasuak Zigoitiko Udalaren diru-laguntzen eta laguntzen ordenantza orokorrean, Diru-laguntzei buruzko azaroaren 17ko 38/2033 Lege Orokorrean eta azken lege honen araudia onartzen duen uztailaren 21eko 887/2006 Errege-dekretuan ezarritakoaren arabera ebatziko dira.

Azken xedapena

Berariaz indargabetuta geratzen da Zigoitiko Udalerriko kontzejuei diru-laguntzak emateko ordenantza espezifikoak. Ordenantza hori 2012ko apirilaren 26ko Osoko Bilkuraren saioan onartu zen, eta 75. zenbakidun ALHAOn argitaratu, 2012ko ekainaren 29an.

Ondategin, 2018ko otsailaren 14an

Alkatea

MIKEL LAS HERAS MARTÍNEZ DE LAPERA